

Cangzbingz Cunh:

Swngghdai "Yinh Raemx Mbanjyauz" Daegsaek Yienhda



长坪村：生态“水韵瑶寨”独具特色

□ Gvanh Sinh Cwngh Yen ingj

Aenmbanj raemx heux faex raemh.



▲ Ngaizmbokfaexcuk homfeih.



▲ Mbauqsau vad bez doiq fwen.



▲ Laeujvan gingq hek coux haeuj mbanj.



▲ Mehmbwk Yauzcuz san saiva.

Geij bi neix daeuj, Mungzsanh Yen Cangzbingz Yauzcuz Yangh Cangzbingz Cunh haenqrengz guh ndei hong swngghdai lajmbanj, youq henhoh ndei bya heu raemx saw le, cix gonqlaeng roengzngaenz 4000 lai fanh maenz hwnjguh "yinh raemx Mbaujyauz", cang moq rog ranz, coih roen, cang lengj song henz dah, hawj yiengh mbanj bienq moqsag gyaendei. Bi 2014 Mbanjyauz Bingzdung ndaej Guekgya Minzveij dingh guh "Cungguek aenmbanj daegsaek saujsu minzcuz", bi 2015 "yinh raemx Mbaujyauz" Cangzbingz ndaej bingz baenz hajsinggaep lijyouzgi lajmbanj.

Vaxheu, ciengzhenj, cueng' va, laeuzcanx ... Youq ndoengfaex doenghnaz ndaw mbanj Cangzbingz menhmenh byaijcet, couh miz gij fungcingz Mbanjyauz daegbied haenx roemx haeuj lwgda, gij gingjsaek gyaendei yawjraen haenx hawj vunz yawj mbouj gaeuq haenx mbouj dingz

mbouj sij dauqbae. Gwnz bya, ndoengfaex baenz benq baenz ndoi heuswd mwncup; dinbya, gij roen benjrin gaeuqgeq haenx lienzswnj daengz aen dem aen laeuzcanx moq, caeuq aen giuzndojfwn gig miz daegsaek haenx doxdaengh doxingj, lumj fuk veh gyaendei raeuh ndeu yap haeuj lwgda vunzraeuz.

Bi 2013, Cangzbingz Cunh gaenxmaenx boiqhab yangh dangjveij cwnghfuj yiengq baihgwnz ceng' aeu hanghmoeg, caemhcaiq dingh Mbanjbingzdung guh diemjguhyiengh hwnjguh segih lajmbanj moq, guh rog ranz cang moq, bu roen benjrin, guh giuzndojfwn, ruqda cingceih caeuq dieggingj ndaem faex cang lengj doenghgij hanghmoeg neix. Seizneix, daengx mbanj ndaem faex hoemqew baenz 93%, swlaizsuij haeuj ranz, cunh mbanj doeng roen 100%, roen suiinjiz ciemq 80% doxhwnj. Doengzseiz baengh gij swhyenz lijyouz lai yiengh dangdieg, guh ndei

hong lijyouz, caep fai laengz raemx, guh diemq hekninz diemq gwnngaiz, lij fatdoengh gak ranz ndaem gosamgakmoiz, goliuxhenjgim doengh go faex va neix, hawj dieggingj engq gyaendei aenmbanj engq lengj.

Yiengh mbanj bienq gyaendei le, vunzmbanj uk lingz sim gvangq lo, maqmuengh saedceij bi beij bi fouqmiz vuenyungz, hix engq haenqrengz dwk guh ndei gak cungj swngghcanj, reihnaz comz hwnjdaej co hawj lauxbanj ganq bungzhung ndaem byaekgve, ra lauxbanj daengz ndaw mbanj hwnjguh le song aen diemq hekninz, lij doxgap guh le nungzgyahloz, haifat vwnzva Yauzcuz saedgingj yienjok; mbanj vunzmbanj lij dawz gij hongdawz conzdungj Yauzcuz okdaej, daemj baengz caiznyib ndangdaenj Yauzcuz, sanseuj daehva, vengqdox doenghgij doxgaiq Yauzcuz neix, mboujduenh demlai souhaej, angqcoux saedceij siujganh.



▲ Caep aen fai iq louz gingj youq.



▲ Ngaizdaizraez nauhyied hoenghhwd.



▲ Sing fwen haprwenz hek angqyangz.



▲ Ndaw mbanj faex heu va hom.



► Daj giz gyaey yawj gingj ndei aenmbanj.